

八旗通志初集卷之三十

兵制志五

八旗軍器

製造給發軍器車輛附

點驗稽察軍器

造作軍器。職隸工部。而給發則兵部掌之。良梏有等。賞罰有條。點驗有期。私售有禁。茲備列焉。凡旗纛。

國初設八旗。以鑲黃。正黃。正白。正紅。鑲白。鑲紅。正藍。鑲藍。爲旗色。八旗旗纛。各照本旗色樣。又別以都統護軍。纛畫龍。前鋒旗。畫飛虎。漢軍旗。纛畫黑豹。都統護軍。纛前鋒旗。俱紅纓。其正紅旗。

都統護軍肅俱黑纓。

右會典

天聰八年三月甲辰。

諭都元帥孔有德總兵官耿仲明曰。旗肅乃三軍眼目。不可不加分別。若用他色。恐與八旗舊肅相同。爾等之肅。當以白鑲皂。爾所屬營兵之肅。亦以白鑲皂。如此則采章有別。不致與八旗相淆。至於飾畫之處。任從爾便。

諭副將尙可喜曰。將軍肅色。當於皂旗中用白圓心爲飾。以爲識別。

太宗實錄

右

凡甲面盔纓。

國初定八旗文武官員甲面及護軍校甲面俱用藍色。盔上用紅纓。驍騎校部院筆帖式併馬步兵丁甲面各照旗色。盔上用紅纓。

康熙五年題准八旗護軍校甲面俱用白色。部院有品筆帖式驍騎校甲面用藍色。驍騎校以下兵丁甲面俱用黑纓。都統以下至有品筆帖式盔上俱用紅纓。

凡給發兵丁器械順治五年題准馬兵每名各

給鐵盔甲一副。弓一張。箭四十枝。腰刀一口。步兵均作三分。一分弓箭手。各給弓一張。箭三十枝。一分長槍手。各給長槍一桿。一分鳥鎗手。各給鳥鎗一桿。三分各給綿甲一副。腰刀一口。至直省兵丁需用器械。悉照例給發。

十二年題准。八旗新披甲兵丁。部發軍器馬匹。

後停
給馬

凡製造官弓。

國初定。八旗弓匠。製造官弓。造成日。每旗令侍衛護衛等官。到部分別等第。頭等弓。每張匠役賞

銀一兩。二等弓五錢。監造頭目頭等弓每張賞銀三錢。二等弓一錢五分。三等弓無賞罰。四等弓每張匠役及頭目各責五鞭。五等弓各責十鞭。應得賞銀每鞭抵算銀三錢。不足抵算者鞭責。其賞銀移咨戶部給發。康熙十五年停止給賞。

凡採取樺皮。

國初定八旗需用樺皮。俱於寧古塔地方採取。令弓匠協領一員。每旗匠頭各一名。匠役各二名。前往驗採。其附近驛站村莊額設壯丁一百八

十名。內一百名。隔一年採取一次。餘八十名耕種。

凡採伐弓胎。順治二年題准。每年秋季。於昌平密雲二處。採伐弓胎弓稍一萬副。額設導引採伐壯丁八名。每年給工食銀四十兩。於戶部取給。

凡製造官箭。順治五年題准。兵部額設官箭匠十名。每名月給銀一兩。米二斛。造箭預備。

恩賞。康熙十五年裁六名。

凡造作不合式。

國初定八旗匠役。若違式私造弓箭貨賣者。鞭五十所賣弓箭。一半給拿獲之人。一半入官。

康熙十五年題准。匠役將弓箭不如式製造。或被入首告。或兵部查出。所造之物入官。匠役從重議處。

十九年題准。製造盔甲。其鐵務要摺打銍光。製造箭枝。務要箭心堅長。手鑽安釘。如草率造作。匠役人等一併治罪。

凡箭枝數目。順治四年題准。各官不論職任。止照官銜限定箭數。

康熙六年題准。官員兵丁箭數。公。五百五十枝。
侯。五百枝。伯。四百五十枝。內大臣。都統。精奇尼
哈番。大學士。尙書。左都御史。閒散。一品官。四百
枝。散秩大臣。護軍統領。前鋒統領。阿思哈尼哈
番。副都統。侍郎。學士。副都御史。侍郎。品級。正卿。
閒散。二品官。三百五十枝。叅領。阿達哈哈番。啓
心郎。侍讀學士。郎。中間散。三品官。二百五十枝。
佐領。拜他喇布勒哈番。員外郎。漢軍。啓心郎。閒
散。四品官。一百枝。分管佐領。拖沙喇哈番。主事。
鳴贊。閒散。五品及六品。七品。八品官。監生等。一

百五十枝。護軍校。驍騎校。六七品筆帖式。城門校等官。一百枝。前鋒護軍領催等。七十枝。披甲人。五十枝。此定數內。若職任大者。照職任用。官品大者。照官品用。

國家兵制。八旗甲兵。需用盔甲軍器。兵部咨給料價。自行辦造。直省兵丁。需用甲械。動支本地錢糧。造給。報部核銷。惟守護

陵寢兵丁。及八旗新滿洲。寧古塔。新滿洲。需用盔甲旗幟等項。由兵部移咨工部。照數造發。

凡八旗甲兵。盔甲。順治間定。每頂副折給銀四

八旗通志 卷三十一 兵備志 五
兩八錢八分三釐。

康熙十八年題准。護軍盛甲。每頂副折給銀四兩八錢八分三釐。馬步兵盛甲。折給銀四兩一分五釐。

二十二年題准。鳥鎗兵丁盛甲。每頂副折給銀三兩七錢。併給鳥鎗一桿。

凡八旗試演鎗礮需用火藥。定例工部差官監造。存貯蕩氛廠內。取用之日。赴廠給發。完日酌量備造。

右俱會典

康熙十八年八月癸亥朔。

諭議政王大臣等。攻擊海賊營壘。宜用火礮。內造西洋礮甚利。且輕便易運。可令湖廣巡撫張朝珍。以湖廣所有西洋礮二十具。委官遞送福建總督姚啓聖軍前。用資勦禦。

二十二年五月丙午。都察院左僉都御史陳汝器條奏。每旗應設一營操練火器。

上曰。所奏甚是。漢軍兵丁。不能騎馬者甚多。每旗應設一營操練火器。議政王大臣等集議以聞。己未。議政王大臣等會議。八旗漢軍馬兵鳥鎗手。每佐領

增十八人。共二十人演習鳥鎗。得

旨。火器關係武備。甚爲緊要。應嚴加操演。以裨實用。

二十三年十二月乙巳。

諭兵部。征勦羅刹。所需藤牌官兵。應分遣司員。至山東河南山西三省。於安插墾荒福建投誠官兵內。選擇五百人。令地方官大臣。給銀贍其妻子。兼爲整裝遣行。又傳令八旗漢軍。察明福建等處投誠官兵內。善用藤牌及滾被片刀者。勿論主僕。開列名數。併器具送部。其在天津鄭克塽馮錫范諸處。亦遣人察取前項人員器具。聞福建有雙層堅好藤牌。移文提督施

琅選取四百併所用片刀速送至京。

二十五年二月甲午。

諭兵工二部。黑龍江軍前需用火藥礮子。所關最要。俟草青時。派上駟院太僕寺駱駝二百匹。量發礮子及新鑄之礮。再選藤牌兵百人。付班達爾沙郎談率往。令內府佐領下護軍校宜番等偕行。

右俱

聖祖實錄

荊州將軍侯巴渾岱奏稱。臣看得湖廣總督巡撫提督總兵官標下。雖有火器。而滿洲兵無火器。今應於四千名內。每旗各派一百名。習學鳥

鎗其所用八百桿鳥鎗於荊州庫內取用火藥鎗子亦在武昌荊州庫內支用康熙三十年五月十一日奏本月十六日奉

旨八百鳥鎗手仍令將軍副都統管轄兩翼各協領一員每旗佐領一員防禦一員驍騎校一員分管江南將軍奏請添設火器康熙三十年六月十二日奉

旨依議卽於四千馬甲內每旗挑馬甲百名教習鳥鎗將軍等於駐防官內酌撥章京管理

康熙三十三年十一月內部文駐防廣東八旗

每年十一月。演放大礮一月。

駐防河南等處滿洲城。於康熙五十九年五月。初設八旗。本色大纛八桿。外烏鎗營畫纛一桿。纛襖鑲黃色。八旗各有畫小旗二桿。本色小旗二桿。二色小旗三十二桿。康熙五十九年。河南巡撫楊宗義疏奏。捐給烏鎗二百桿。雍正三年。河南總督田文鏡疏奏。捐給子母礮八尊。子礮四十箇。礮營畫纛一桿。纛襖鑲黃色。畫小旗八桿。本色旗八桿。三營共大纛十桿。外纛襖二箇。小旗四十八桿。雍正六年七月十二日。兵部來

文礮營每各留子母礮一位。令兵丁演習之外。將所餘之子母礮交回。以添威遠礮。

雍正二年。福州將軍宜兆熊奏准。駐防福州漢軍。用金飛虎纛幟。

駐防福州四旗。原設立發貢礮八位。每年十一月。派撥官兵演放一月。每年所需火藥三千觔。鐵彈二千四百箇。俱赴地方官支領。其鐵彈如數檢回繳庫。

四旗官兵。箭營兵。每年春操。自二月十六日起。至四月十六日止。秋操自七月十六日起。至十

月初二日止鎗營兵。每年春操。二月三月四月五月。秋操。八月九月十月十一月。共八箇月。所需火藥鉛彈。俱赴地方官支領。火藥支二千七百十四觔六兩四錢。黑鉛支三千三百九十二觔八兩。檢回二千三百七十四觔九兩六錢。實支一千十七觔十四兩四錢。

四旗設立子母礮一百二十八位。每年分派官兵演放。雍正五年內兵部來文。爲欽奉

上諭事。內開各省舊存子母礮。及捐造子母礮。行令該將軍督撫提鎮查明。悉行送部。又於雍正六年